



Broj: 05/1-50-13-312-6-3/15
Sarajevo, 6. 2. 2015.

ZAPISNIK

6. sjednice Nezavisnog odbora Parlamentarne skupštine BiH

Sjednica je održana 6.2.2015., s početkom u 11 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika, Mato Jozić, drugi zamjenik predsjednika, Ilma Mehić - Jusufbašić, Adisa Begić, Nikola Džambas, Ljubomir Kuravica, Miroslav Škorić, članovi Nezavisnog odbora.

OPRAVDANO ODSUTNI: Mate Miletić, član

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Zoran Brkić iz Sektora za odnose s javnošću Sekretarijata Parlamentarne skupštine BiH te Senad Zlatar, predstavnik OHR-a.

Predsjednik Nezavisnog odbora Žiko Krunić konstatirao je da postoji kvorum za rad i otvorio 6. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 5. sjednice Nezavisnog odbora;
2. Usvajanje Izvještaja o posjeti Nezavisnog odbora Graničnoj policiji BiH;
3. Usvajanje Izvještaja o posjeti Nezavisnog odbora Direkciji za koordinaciju policijskih tijela BiH;
4. Razmatranje Prijedloga izvještaja o radu Nezavisnog odbora za 2014. godinu;

5. Razmatranje Prijedloga plana rada Nezavisnog odbora za 2015. godinu;
6. Tekuća pitanja.

Ad.1. Usvajanje Zapisnika 5. sjednice Nezavisnog odbora

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Prvi zamjenik predsjednika Enes Obralića imao je primjedbu na tačku 5. iz Zapisnika 5. sjednice Nezavisnog odbora. Tražio je da se ona izmijeni u skladu s dogovorom postignutim na 5. sjednici.

Nakon kraće rasprave članovi Nezavisnog odbora jednoglasno su se usaglasili da se tačka 5. Zapisnika mijenja i sada glasi:

„Predsjednik Nezavisnog odbora otvorio je raspravu o ovoj tački dnevnog reda. U raspravi je učestvovala većina članova Nezavisnog odbora. Veći broj članova Nezavisnog odbora smatra da je u ovom trenutku preuranjeno donositi bilo kakvu odluku jer je u toku sudski postupak protiv direktora Državne agencije za istrage i zaštitu pred Sudom BiH zbog nesavjesnog rada u službi a u vezi s protestima građana u Sarajevu 7. 2. 2014., te da nije doneseno konačno i pravosnažno rješenje o zabrani pristupa tajnim podacima.

Nakon rasprave, Nezavisni odbor jednoglasno je donio

ZAKLJUČAK

Nezavisni odbor će odluku o eventualnom pokretanju inicijative donijeti u narednom periodu“.

Ad.2. Usvajanje Izvještaja o posjeti Nezavisnog odbora Graničnoj policiji BiH

Izvještaj o posjeti Nezavisnog odbora Graničnoj policiji BiH koja je realizirana 26.6.2014. usvojen je jednoglasno, bez primjedbi.

Ad.3. Usvajanje Izvještaja o posjeti Nezavisnog odbora Direkciji za koordinaciju policijskih tijela BiH

Izvještaj o posjeti Nezavisnog odbora Direkciji za koordinaciju policijskih tijela BiH koja je realizirana 19.11.2014. usvojen je jednoglasno, bez primjedbi.

Ad.4. Razmatranje Prijedloga izvještaja o radu Nezavisnog odbora za 2014. godinu

Predsjednik Nezavisnog odbora Žiko Krunić otvorio je raspravu o ovoj tački dnevnog reda. U raspravi je učestvovala većina članova Nezavisnog odbora. Nakon rasprave predsjednik je stavio na glasanje ovu tačku dnevnog reda. S pet glasova "za", dva "protiv" i jednim "suzdržanim" konstatirano je da Prijedlog izvještaja o radu Nezavisnog odbora za 2014. godinu nije dobio potrebnu većinu.

Dogovoreno je da se do naredne sjednice dostave primjedbe na Izvještaj o radu Nezavisnog odbora za 2014. godinu kada će ponovo biti razmatran.

Ad.5. Razmatranje Prijedloga plana rada Nezavisnog odbora za 2015. godinu

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Prijavljenih nije bilo pa je Plan rada Nezavisnog odbora za 2015. godinu usvojen jednoglasno, bez promjedbi.

Ad. 6. Tekuća pitanja

U okviru ove tačke dnevnog reda za riječ se javio član Nezavisnog odbora Ljubomir Kuravica koji je ukazao na potrebu da Nezavisni odbor u narednom periodu posjeti Državnu agenciju za istrage i zaštitu BiH.

Predsjednik Nezavisnog odbora Žiko Krunić zaključio je sjednicu u 13,10 sati.

SEKRETAR
NEZAVISNOG ODBORA
Ivana Lovrić

PREDSJEDNIK
NEZAVISNOG ODBORA
Žiko Krunić